

আছো কাছে, তবু নেই

জানিমান  
বুকস



আছো কাছে, তবু নেই

জান্নিম্যান

বুকস সালমা ইয়াসমিন

জান্নিম্যান  
বুকস

উৎসর্গ

'Between the mirror and the heart  
Is this single difference:  
The heart conceals secrets,  
While the mirror does not.'

-RUMI

জানিম্যান

বুকস



## সূ চি প ত্র

মৌন অভিমান	৯	২৯	ক্ষত
তুমি-আমি	১০	৩০	মৌনমন্ত্র
দহন	১১	৩১	অভিমান
অপার্থিব আলোর রাত	১২	৩২	মনে পড়ে?
কোলাজ	১৩	৩৩	ভাবনাজুড়ে
প্রতিবিন্দু	১৪	৩৪	সানফ্লাওয়ার
বিভ্রম	১৫	৩৫	কেউ নেই দরজায়
তুমি কাছে আসলেই	১৬	৩৬	প্রতীক্ষা
ভুল	১৭	৩৭	বিশ্মরণের বেলা
ভালোবাসা সারাবেলা	১৮	৩৮	অপরিচিতি
অপাপবিদ্ধ	১৯	৩৯	আয়না জগৎ
মুঠোয় ভরা দিন	২০	৪০	দূরে যেতে যেতে
প্রাপ্তি	২১	৪১	ভাবনা যখন
উপোসী উষ্ণতা	২২	৪২	শূন্যতা
স্পর্ধা	২৩	৪৩	বিভ্রম বিলাস
পরিচয়	২৪	৪৪	বিশ্মৃতির প্রার্থনা
সীমারেখা	২৫	৪৫	নিমগ্ন
অবেলার অভিমান	২৬	৪৬	নতমুখ
রিক্ত	২৭	৪৭	খোঁজ
প্রতিবেশি	২৮	৪৮	ছল

## মৌন অভিমান

মৌনতায়ও অভিমান থাকে,  
জন্মে থাকে বোবা কান্নারা ।

শব্দহারা সেইসব ভাষা,  
পড়ে নিও তুমিও নীরবে ।

পার্থিব জীবনের সব চাওয়া  
না পাওয়াই ভালো!

কিছু থাকুক আজীবন অধরাই,  
স্বপ্নের মতো ।

অর্ধেক জীবন জুড়ে নাই ছিলে,  
অর্ধেকটা জুড়ে তবু আছো!

বুকস

## তুমি-আমি

জনারণ্যেও একা থাকার কষ্ট বোঝো?  
নিঃসঙ্গতায় কেবল তুমি সুখ যে খোঁজো!  
কাজল চোখের কোণটি ঘেঁষে বৃষ্টি জমে  
রাগা ঠোঁটের ভাঁজ ভেঙে সেই বিষাদ নামে ।  
তোমার দুঃখ ধোঁয়ার ফানুস, স্ফটিক কণা ।  
দুখের নেশায় বঁদ হয়ে তাই জীবনবোনা ।  
বুকের ভেতর একলা তুমি- একলা আমি  
একলা কাটে তোমার আমার দিবস-যামী ।

জানিনামা

বুকস

দহন

আছে কাছে, তবু নেই!  
এ বাস্তবতা বড়োই পোড়ায়!  
একেকটা দিন কাটে তুমিহীন,  
জীবনের খেরোখাতায়  
বাড়ে আরেকটা দিন।  
বিবর্ণ পৃথিবীর ধূসর ভূমিতে,  
তোমাকে ছাড়াই দিব্যি  
বেঁচে-বর্তে থাকার হিসেবে।  
দূরত্ব কাঁদায় যতো,  
নৈকট্য পোড়ায় তারও বেশি।

বুকস

## অপার্থিব আলোর রাত

মায়াবী আঁধারে অপার্থিব

আলোর সেই রাত,

আঁকেনি যে নয়নে

কল্পনার কাব্যলোক-

তারই চোখে খুঁজে ফেরো

উত্তরের আলোর ঝিলিক!

উদ্ভাসিত সকালের প্রত্যাশায়

কেটে যায়-

বিন্দু রজনী!

বাতিঘর খুঁজে খুঁজে

ক্লান্ড আজ নাবিকের চোখ!

তারপরও বরফযুগের শেষেই

অনন্ড বসন্ড দিন, জেনো!

তবু কার দীর্ঘশ্বাস

শীতের বাতাসে-

এক টুকরো

মেঘ হয়ে ভাসে!

একাকী আঁধারে

আলোর উৎসবে

অবিরাম ঝরে যাবে বলে!



কোলাজ

মখমলে মোলায়েমে সযতনে  
তুলে রাখা আয়না আমার ।  
কখন, কেমন করে  
ভেঙে গেছে অগোচরে!  
ভাঙাচোরা আয়নায়,  
অচেনা প্রতিবিম্ব আজ!  
একই ছবি ফিরে ফিরে,  
বিচিত্র কোলাজ!

জানিম্যান

বুকস

## প্রতিবিম্ব

যে তুমি আয়না শুধু আমারই,  
যে চোখে দেখতে পাই নিজেরই ছায়া,  
প্রতিবিম্ব যেই মুখ বুকের ভেতর,  
তার সাথে দেখা নেই বহুকাল!

বহুপথ হেঁটে গেছি তার সন্ধানে,  
বহুরাত নিৰ্ঘুম তাকে ভেবে ভেবে,  
খুঁজি তাকে জনারণ্যে, লোকালয়জুড়ে  
তন্ন তন্ন করে ভেতরে বাহিরে।

খুঁজি আমি, দিনরাত ঘুরে ঘুরে ফিরি  
দেখি-তবু দেখিও না, এ এক বিভ্রমে।  
এই দেখি খুব কাছে, বাড়াই যেই হাত-  
একরাশ শূন্যতায় ফেরে প্রত্যাঘাত।

অন্ধপ্রেম- বন্ধচোখ দেখে শুধু তাকে,  
অন্তরের গভীরেতে একান্তে নীরবে।  
মোহ মোহ বলে যাকে দেখলে না ফিরে  
সে প্রেমই অনন্ত জেনো, প্রাণের শেকড়ে!

সমান্তরালে আঁকা জীবনের ছবি  
দিগন্তে মেলাই যার ভবিতব্য  
আর সব অনন্তে বিলীন।  
সবকিছু অনন্তেই লীন!